



3


THE JAMES R. COLE COLLECTION  
THE LIBRARY OF CONGRESS  
SERIALS AND PERIODICALS SECTION

OCT 11 1982









莊子第五卷

天地第十二

天地雖大其化均也萬物雖多其治一也人卒雖衆其主君也君原於德而成於天故曰玄古之君天下無爲也天德而已矣以道觀言而天下之君正以道觀分而君臣之義明以道觀能而天下之官治以道汎觀而萬物之應備故通於天地者德也行於萬物者道也上治人者事也能有所藝者技也技兼於事事兼於義義兼於德德兼於道道兼於天故曰古之畜天下者无欲而天下足无爲而萬物化淵靜而百

哈佛大學漢和圖書館珍藏印

姓定記曰通於一而萬事畢無心得而鬼神服矣子曰夫道覆載萬物者也洋洋乎大哉君子不可以不刺心焉无爲爲之之謂天无爲言之之謂德愛人利物之謂仁不同同之之謂大行不崖異之謂寬有萬物不同之謂富故執德之謂紀德成之謂立循於道之謂備不以物挫志之謂完君子明於此十者則韜乎其事心之大也沛乎其爲萬物逝也若然者藏金於山藏珠於淵不利貨財不近貴富不樂壽不哀夭不榮通不醜窮不拘一世之利以爲已私分不以王天下爲已處顯顯則明萬物一府死生同狀夫子曰夫

道淵乎其居也謬乎其清也金石不得无以鳴故金石有聲不考不鳴萬物孰能定之夫王德之人素逝而恆通於事立之本原而知通於神故其德廣其心之出有物採之故形非道不生生非德不明存形窮生立德明道非王德者邪蕩蕩卒忽然出勃然動而萬物從之乎此謂王德之人視乎冥冥聽乎无聲冥冥之中獨見曉焉无聲之中獨聞和焉故深之又深而能物焉神之又神而能精焉故其與萬物接也至无而供其求時騁而要其宿大小長短脩遠黃帝遊乎赤水之北登乎崐崙之丘而南望還歸遺其玄珠

使知索之而不得使離朱索之而不得使喪口口反齧詬  
索之而不得也乃使象罔象罔得之黃帝曰異哉象  
罔乃可以得之乎堯之師曰許由許由之師曰齧缺  
齧缺之師曰王倪王倪之師曰被衣堯問於許由曰  
齧缺可以配天乎吾藉王倪以要之許由曰殆哉坂  
岌乎天下齧缺之爲人也聰明敵知給數以斂其性  
過人而又乃以入受天彼審乎禁過而不知過之所  
由生與之配天乎彼且乘人而无天方且本身而異  
形方且尊知而火馳方且爲緒使方且爲物絃公才  
方且四顧而物應方且應衆宜方且與物化而未始

有恒夫何足以配天乎雖然有族有祖可以爲衆父  
而不可以爲衆父父治亂之率也北面之禍也南面  
之賊也堯觀乎華華封人曰嘻聖人請祝聖人使聖  
人壽堯曰辭使聖人富堯曰辭使聖人多男子堯曰  
辭封人曰壽富多男子人之所欲也女獨不欲何邪  
堯曰多男子則多懼富則多事壽則多辱是三者非  
所以養德也故辭封人曰始也我以女爲聖人邪今  
然君子也天生萬民必授之職多男子而授之職則  
何懼之有富而使人分之則何事之有夫聖人鶴居  
而鷇食鳥行而无彰天下有道則與物皆昌天下无

道則脩德就間千歲厭世去而上僊乘彼白雲至于  
帝鄉三患莫至皇常无殃則何辱之有封人去之堯  
隨之曰請問封人曰退已堯治天下伯成子高立爲  
諸侯堯授舜舜授禹伯成子高辭爲諸侯而耕禹往  
見之則耕在野禹趨就下風立而問焉曰昔堯治天  
下吾子立爲諸侯堯授舜舜授子而吾子辭爲諸侯  
而耕敢問其故何也子高曰昔堯治天下不賞而民  
勸不罰而民畏今子賞罰而民且不仁德自此衰刑  
自此立後世之亂自此始矣夫子闔行邪无落吾事  
危危直立反平耕而不顧秦初有无无有无名一之所

起有一而未形物得以生謂之德未形者有分且然  
无間謂之命留動而生物物成生理謂之形形體保  
神各有儀則謂之性性脩反德德至同於初同乃虛  
虛乃大合家嗚喙鳴合與天地爲合其合繙繙若愚  
若昏是謂玄德同乎大順夫子問於老聃曰有人治  
道若相放可不可然不然辯者有言曰離堅白若縣  
寓字若是則可謂聖人乎老聃曰是胥易技係旁形  
休心者也執留之徇成思援徂之便自山林來丘予  
告若而所不能聞與而所不能言凡有首有趾无心  
无耳者衆有形者與无形无狀而皆存者盡无其動

止也其死生也其廢起也此又非其所以也有治在人忘平物忘乎天其名爲忘已忘已之人是之謂入於天將間竅見季徹曰魯君謂竅也曰請受教辭不獲命既已告矣未知中否請嘗薦之吾謂魯君曰必服恭儉拔出公忠之屬而无阿私民孰敢不輯季徹局局然笑曰若夫子之言於帝王之德猶螳螂之怒臂以當車軼則必不勝任矣且若是則其自爲據危其觀臺多物將徃投迹者衆將聞竅麗麗許逆反竅驚曰竅也泣芒若於夫子之所言矣雖然願先生之言其風也季徹曰大聖之治天下也搖蕩民心使之成

教易俗舉滅其賊心而皆進其獨志若性之自爲而民不知其所由然若然者豈兄堯舜之教民漠漠然第之哉欲同乎德而心居矣子貢南遊於楚反於晉過漢陰見一丈人方將爲圃畦鑿隧而入井抱甕而出灌搘搘然用力甚多而見功寡子貢曰有械於此一日浸百畦用力甚寡而見功多夫子不欲乎爲圃者仰仰而視之曰柰何曰鑿木爲機後重前輕挈水若抽數如洪溢湯其名爲槔爲圃者忿然作色而笑曰吾聞之吾師有機械者必有機事有機事者必有機心機心存於曾中則純白不備純白不備則神生

不定神生不定者道之所不載也吾非不知羞而不爲也子貢賄謨官然慙俯而不對有間爲圃者曰子奚爲者邪曰孔丘之徒也爲圃者曰子非夫博學以擬聖於子以蓋衆獨弦哀歌以賣名聲於天下者乎汝方將忘汝神氣墮汝形骸而庶幾乎而身之不能治而何暇治天下乎子往矣無之吾事子貢卑陬失色頃然不自得行三十里而後愈其弟子曰向之人何爲者邪夫子何故見之變容失色終日不自反邪曰始吾以爲天下一人耳不知復有夫人也吾聞之夫子事求可功求成用力少見功多者聖人之道

今徒不然執道者德全德全著形全形全者神全神全者聖人之道也託生與民並行而不知其所之汎乎淳備哉功利機巧必忘夫人之心若夫人者非其志不之若其心不爲雖以天下譽之得其所謂警然不顧以天下非之失其所謂儻然不受天下之非譽無益損焉是謂全德之人哉我之謂風波之民反於魯以告孔子孔子曰彼假脩渾沌氏之術者也識其一不知其二治其內而不治其外夫明白入素無爲復朴體性抱神以遊世俗之間者汝將固驚邪且渾沌氏之術予與汝何足以識之哉諄芒將東之大壑

適遇死風於東海之濱死風曰子將奚之曰將之大  
壑曰奚爲焉曰夫大壑之爲物也注焉而不滿酌焉  
而不竭吾將遊焉死風曰夫子無意于橫目之民乎  
願聞聖治諱芒曰聖治乎官施而不失其宜拔舉而  
不失其能畢見其情事而行其所爲行言自爲而天  
下化手撓顧指四方之民莫不俱至此之謂聖治願  
聞德人曰德人者居無思行無慮不藏是非美惡四  
海之內共利之之謂悅共給之之爲安怡<sub>暗</sub>乎若嬰  
兒之失其母也儻乎若行而失其道也財用有餘而  
不知其所自來飲食取足而不知其所從此謂德人

之容願聞神人曰上神乘光與形滅亡此謂照曠致  
命盡情天地樂而萬事銷亡萬物復情此之謂混冥  
門無鬼與赤張滿稽觀於武王之師赤張滿稽曰不  
及有虞氏乎故離此患也門無鬼曰天下均治而有  
虞氏治之邪其亂而後治之與赤張滿稽曰天下均  
治之爲願而何計以有虞氏爲有虞氏之藥瘍也禿  
而施髢病而求醫孝子操藥以脩慈父其色燋然  
聖人羞之至德之世不尚賢不使能上如標枝民如  
野鹿端正而不知以爲義相愛而不知以爲仁實而  
不知以爲忠當而不知以爲信蠢動而相使不以爲

賜是故行而無迹事而無傳孝子不謾其親忠臣不  
譖其君臣子之盛也親之所言而然所行而善則世  
俗謂之不肖臣而未知此其必然邪世俗之所謂然而  
之所謂善而善之則不謂之道諛之人也然則俗謂  
嚴於親而尊於君邪謂已道人則勃然作色謂已諛  
人則怫然作色而終身道人也終身諛人也合璧飾  
辭聚衆也是終始本末不相坐垂衣裳設采色動容  
貌以媚一世而不自謂道諛與夫人之爲徒通是非  
而不自謂衆人愚之至也知其愚者非大愚也知其

惑者非大惑也大惑者終身不解大愚者終身不靈  
三人行而一人惑所適者猶可致也惑者少也二人  
惑則勞而不至惑者勝也而今也以天下惑予雖有  
祈嚮不可得也不亦悲乎大聲不入於耳折楊皇  
蕡音則嗟然而笑是故高言不上於衆人之心至言  
不出俗言勝也以二缶鑼惑而所適不得矣而今也  
以天下惑予雖有祈嚮其庸可得邪知其不可得也  
而強之又一惑也故莫若釋之而不推不推誰其比  
憂厲之人夜半生子遽取火而視之汲汲然唯恐其  
斂已也百年之木破爲犧樽青黃而文之其斷在溝

中比犧樽於溝中之斷則美惡有間矣其於失性一也跖與曾史行義有間矣然其失性均也且夫失性有五一曰五色亂目使目不明二曰五聲亂耳使耳不聰三曰五臭薰鼻因禮俗中類四曰五味濁口使口虧爽五曰趣含滑心使性飛揚此五者皆生之害也而楊墨乃始離跂自以爲得非吾所謂得也夫得者固可以爲得乎則鳩鴟之在於籠也亦可以爲得矣且夫趣含滑色以朱其肉皮弁鶡冠搢笏紳脩以約其外內支榦於柴柵外車繚蹠蹠然在繩繳之中而自以爲得則是罪人交臂歷指而虎豹在於囊中

檻亦可以爲得矣

天道第十三

天道運而無所積故萬物成帝道運而無所積故天下歸聖道運而無所積故海內服明於天通於聖六通四辟於帝王之德著其自爲也昧<sup>義</sup>然無不靜者矣聖人之靜也非曰靜也審故靜也萬物無足以鏡<sup>高</sup>心者故靜也水靜則明燭<sup>高</sup>眉平中准大匠取法焉水靜猶明而况精神聖人之心靜乎天地之鑒也萬物之鏡也天虛靜恬淡寂漠無爲者天地之平而道德之至故帝王聖人休焉休則虛虛則實實者倫

矣虛則靜靜則動動則得矣靜則無爲無爲也則任事者責矣無爲則俞俞俞俞者憂患不能慶年壽長矣夫虛靜恬淡寂寞無爲者萬物之本也明此以南鄉堯之爲君也明此以北面舜之爲臣也明此以南帝王天子之德也以此處下玄聖素王之道也以此退居而間游江海山林之士服以此進爲而撫世則功大名顯而天下一也靜而聖動而王無爲也而尊撲素而天下莫能與之事美夫明白於天地之德者和者也與人和者謂之人樂與天和者謂之天樂莊此之謂大本大宗與天和者也所以均調天下與人和者也與人和者謂之人樂與天和者謂之天樂莊

子曰吾師乎吾師乎教萬物而不爲戾澤及萬世而不爲仁長於上古而不爲壽覆載天地刻彫衆形而不爲巧此之謂天樂故曰知天樂者其生也天行其死也物化靜而與陰同德動而與陽同波故知天樂者無天怨無人非無物累無鬼責故曰其動也天其靜也地一心定而王天下其鬼不祟雖其魂不彼一心定而萬物服言以虛靜推於天地通於萬物此之謂天樂天樂者聖人之心以畜天下也夫帝王之德以天地爲宗以道德爲主以无爲爲常无爲也則用天下而有餘有爲也則爲天下用而不足故古之

人貴夫无爲也上无爲也下亦无爲也是下與上同德下與上同德則不臣下有爲也上亦有爲也是下與下同道上與下同道則不主上必無爲而用天下下必有爲爲天下用此不易之道也故古之王天下者知雖落天地不自爲也天不產而萬物化地不長而萬物育帝王无爲而天下功故曰莫神於天莫富於地莫大於帝王故曰帝王之德配天地此乘天地馳萬物而用人羣之道也本在於上末在於下要在於主詳在於臣三軍五兵之運德之末也賞罰利害五刑

之辟教之末也禮法度數刑名比詳治之末也鐘鼓之音羽旄之容樂之末也哭泣衰絰隆殺之服哀之末也此五末者須精神之運心術之動然後從之者也未學者古人有之而非所以先也君先而臣從父先而子從兄先而弟從長先而少從男先而女從夫先而婦從夫等卑先後天地之行也故聖人取象焉天尊地卑神明之位也春夏秋冬後四時之序也萬物化作萌區有狀盛衰之殺變化之流也夫天地至神而有尊卑先後之序而况人道乎宗廟尚親朝廷尚尊鄉黨尚齒行事尚賢大道之序也語道而非

其序者非其道也語道而非其道者安取道是故古之明大道者先明天而道德次之道德已明而仁義次之仁義已明而分守次之分守已明而形名次之形名已明而因任次之因任已明而原省次之原省已明而是非次之是非已明而賞罰次之賞罰已明而愚知處宜貴賤履位仁賢不肖襲情必分其能必由其名以此事上以此畜下以此治物以此脩身知謀不用必歸其大此之謂太平治之至也故書曰有形有名形名者古人有之而非所以先也古之語大造者五變而形名可舉九變而賞罰可言也驟而語

形名不知其本也驟而語賞罰不知其始也倒也而言迂道而說者人之所治也安能治人驟而語形名賞罰此有知治之具非知治之道可用於天下不足以用天下此之謂辯士一曲之人也禮法數度刑名比詳古人有之此下之所以事上非上之所以畜下也昔者舜問於堯曰天王之用心何如堯曰吾不教無告不廢窮民苦死者嘉穀蕡子而哀婦人此吾所以用心已舜曰美則美也而未大也堯曰然則何如舜曰天德而出寧日月照而四時行若晝夜之有經雲行而雨施矣堯曰膠膠擾擾乎子夫之令也我人

之合也夫天地者古之所大也而黃帝堯舜之所共  
美也故古之王天下者奚爲哉天地而已矣孔子西  
藏書于周室子路謙曰由聞周之徵藏史有老聃者  
免而歸居夫子欲藏書則試往因焉孔子曰善往見  
老聃而老聃不許於是繙十二經以說老聃中其說  
曰大謾願聞其要孔子曰然君子不仁則不成不義則不  
義人之性邪孔子曰然君子不仁則不成不義則不  
生仁義真人之性也又將奚爲矣老聃曰請問何謂  
仁義孔子曰中心物勿愷兼愛無私此仁義之情也  
老聃曰意幾乎後言大兼愛不亦迂乎無私焉乃私

也夫子若欲使天下无失其牧乎則天地固有常矣  
日月固有明矣星辰固有列矣禽獸固有羣矣樹木  
固有立矣夫子亦放德而行循道而趨已至矣又何  
偈偈居詰反揭乎揭仁義若擊鼓而求亡子焉意夫子亂  
人之性也士成綺見老子而問曰吾聞夫子聖人也  
吾固不辭遠道而來願見百舍重趼顧而不敢息  
全吾觀子非聖人也鼠壤有餘蔬而棄妹不仁也生  
熟不盡於前而積歛無崖老子漠然不應士成綺明  
日復見曰昔者吾看刺於子今吾心正郤矣何故也  
老子曰夫巧知神聖之人吾自以爲脫焉昔者子呼

我牛也而謂之牛呼我馬也而謂之馬苟有其寶人與之名而弗受再受其殃吾服也恒服吾非以服有服士成綺鴈行避影履行遂進而問脩身若何老子曰而容崖然而目衝然而頰頷然而口闕然而狀義然似繫馬而止也動而持發也機察而審知巧而覩於泰凡以爲不信謬竟有人焉其名爲竊老子曰夫道於大不終於小不遺故萬物備廣廣乎其无不密也淵乎其不可測也形德仁義神之末也非至人孰能定之夫至人有世不亦大乎而不足以爲之累天下奮擣詛而不與之偕審乎無假而不與利遷極物

之真能守其本故外天地遺萬物而神未嘗有所困也通乎道合乎德退仁義賓禮樂至人之心有所定矣世之所貴道者書也書不過語語有貴也語之所貴者意也意有所隨意之所隨者不可以言傳也而世因貴言傳書世雖貴之哉猶不足貴也爲其貴非其貴也故視而可見者形與色也聽而可聞者名與聲也悲夫世人以形色名聲爲足以得彼之情夫形色名聲果不足以得彼之情則知者不言言者不知而世豈識之哉桓公讀書於堂上輪扁斲輪於堂下釋椎鑿而上問桓公曰敢問公之所讀爲何言邪公

曰聖人之言也曰聖人在乎公曰已死矣曰然則君之所讀者古人之糟魄已夫桓公曰寡人讀書輪人安得議乎有說則可无說則死輪扁曰臣也以臣之事觀之斲輪徐則甘而不固疾則苦而不入不徐不疾得之於手而應於心口不能言有數存焉於其間臣不能以喻臣之子臣之子亦不能受之於臣是以行年七十而老斲輪古之人與其不可傳也死矣然則君之所讀者古人之糟魄已夫

天運第十四

雲者雨勾單圓

猶○綱○是孰居無事○推而行○是意著○其有機緘○而不得○  
○亦意者其運轉○而不能自止邪○雲者為雨乎○雨者○  
為雲乎○孰隆施○是孰居無事○滛樂而勸○是風起北方○  
一西一東○有上彷徨○孰虛吸○是孰居無事○而披拂○是○  
敢問何故○巫咸招曰○來吾語女○天有六極五常○帝王○  
順之則治○逆之則凶○九洛之事○治成德備○監照下土○  
天下載之○此謂上皇○商大宰蕩問仁於莊子○莊子曰○  
虎狼仁也○曰何謂也○莊子曰父子相親○何為不仁○曰○  
請問至仁○莊子曰至仁無親○大宰曰○蕩聞之無親○則○  
不愛不愛○則不孝○謂至仁不孝可乎○莊子曰不然○夫○

至仁尚矣孝固不足以言之此非過孝之言也不孝之言也夫南行者至於郢北面而不見冥山是荷也則去之遠也故曰以敬孝易以愛孝難以愛孝易而忘親難忘親易使親忘我難使親忘我易兼忘天下難兼忘天下易使天下兼忘我難夫德遺堯舜而不爲也利澤施於萬世天下莫知也豈直太息而言仁孝乎哉夫孝悌仁義忠信貞廉此皆自勉以役其德者也不足多也故曰至貴國爵并焉至富國財并焉至顯名譽并焉是以道不渝北門成問於苗帝曰帝張咸池之樂於洞庭之野吾始聞之懼復聞之怠

至廟之禮忘其聲默然乃不自得帝曰文殆其然吾奏之以人微之以天行之以禮義建之以太清夫至樂者先應之以人事順之以天理行之以五德應之以自然然後調理四時太和萬物四時迭起萬物循生一盛一衰文武倫經一清一濁陰陽調和流光其聲蟄蟄始作吾驚之以雷霆其卒無尾其始舞首一死一生一債一起所常無窮而一不可待文故憮也吾又奏之以陰陽之和燭之以日月之明其聲能短能長能柔能剛變化齊一不主故常在谷蕩谷在阮滿阮塗郤守神以物爲量其聲揮綽其名高明是

故鬼神守其幽日月星辰行其紀吾止之於有窮流  
之於無止子欲慮之而不能知也望之而不能見也  
逐之而不能及也儻然立於四虛之道倚於槁梧而  
吟自知窮平所欲見力屈乎所欲逐吾旣不及已夫  
形充空虛乃至委蛇委蛇故忘吾又奏之以無怠  
之聲調之以自然之命故若混逐叢生林樂而無形  
布揮而不曳幽昏而無聲動於無方居於窈冥或謂  
之死或謂之生或謂之實或謂之榮行流散徙不主  
常聲世疑之稽於聖人聖也者達於情而諉於命也  
天機不張而五官皆備此之謂天樂無言而心說收

有焱反達氏爲之頌曰聽之不聞其聲視之不見其  
形充滿天地苞裹六極女欲聽之而無接焉而故惑  
也樂也者始於懼懼故祟吾又次之以怠怠故遁卒  
之於惑惑故愚愚故遁遁可載而與之俱也孔子西  
遊於衛顏淵問師金曰以夫子之行爲奚如師金曰  
惜乎而夫子甘窮哉顏淵曰何也師金曰夫芻狗之  
未陳也盛以篋行巾以文繡尸祝齊戒以將之及其  
已陳也行者踐其首脊蘇者取而爨之而已將復取  
而盛以篋行巾以文繡遊居寢卧其下彼不得夢必  
且數昧焉今而夫子亦取先王已陳芻狗取弟子

遊居寢卧其下。故伐樹於宋。削迹於衛。窮於商周。是非其夢邪。圍於陳蔡之間。七日不火食。死生相與鄰。是非其昧邪。夫水行莫如用舟。而陸行莫如用車。以舟之可行於水也。而求推之於陸。則沒世不行尋常。古今非水陸與。周魯非舟車與。今斬行周於魯。是猶推舟於陸也。勞而無功。身必有殃。彼未知夫無方之傳。應物而不窮者也。且子獨不見夫桔槔者乎。引之則俯。舍之則仰。彼人之所外。非外人也。故俯仲而不得罪於人。故夫三皇五帝之禮義法度。不矜於同。而矜於治。故讐三皇五帝之禮義法度。其猶粗梨橘柚。

邪。其味相反。而皆可於口。故禮義法度者。應時而變者也。今取緩徂而末以周。公之服。彼必斲齧。挽裂盡去。而後慊觀古今之異。猶緩徂之異乎。周公也。故西施病心而贖其里。其里之醜人。見而美之。歸亦捧心而贖其里。其里之富人。見之堅閉門而不出。貧人見之。挈妻子而去之走。彼知美贖。而不知贖之所以美。情乎。而夫子其窮哉。孔子行年五十有一。而不聞道。乃南之沛。見老聃。老聃曰。子來乎。吾聞子北方之賢者也。子亦得道乎。孔子曰。未得也。老子曰。子惡乎求之哉。曰。吾求之於度數。五年而未得也。老子曰。子又

惡平求之哉。曰吾求之於陰陽。十有二年而未得。老子曰然便道而可獻則人莫不獻之於其君。使道而可進則人莫不進之於其親。使道而可以告人則人莫不告其兄弟。使道而可以與人則人莫不與其子孫。然而不可者無他也。中無主而不止外無止而不行。自中出者不受於外。聖人不出。由外入者无主於中。聖人不隱。名公器也不可多取。仁義先玉之蘧廬也。止可以一宿而不可以久處。觀而多責。古之至人假道於仁。託宿於義。以遊逍遙之虛。食於苟簡之田。立於不貸之圃。逍遙無爲也。苟簡易養也。不貸无出也。

古者謂是采真之遊。以富爲是者不能讓祿。以顯爲是者不能讓名。親權者不能與人柄。操之則慄。舍之則悲。而一無所鑒。以闡其所不休者。是天之戮民也。怨恩取與。諫教生殺。八者正之器也。唯循天變。無所遷。著爲能用之。故曰正者正也。其心以爲不然者。天門弗開矣。孔子見老聃而語仁義。老聃曰夫搖籃昧目。則天地四方易位矣。蚊虻嗜好。益膚則通昔。不棄矣。天仁義憐然。乃憤苦心亂莫大焉。吾子使天下无失其朴。吾子亦放風而動。據德而立矣。又奚俟蒸若。負建鼓而求亡于者邪。夫鵠不日浴而白鳥不日急。

而黑黑白之朴不足以爲辯名譽之觀不足以爲廣  
泉涸魚相與處於陸相呴以濕相濡以沫不若相忘  
於江湖孔子見老聃歸三日不談弟子問曰夫子見  
老聃亦將何規哉孔子曰吾乃今於是乎見龍龍合  
而成體散而成章乘乎雲氣而參乎陰陽示口張而  
不能噏予又何規老者聃哉子貢曰然則人固有尸  
居而龍見雷聲而淵默發動如天地者乎賜亦可得  
而觀乎遂以孔子聲見老聃老聃方將倨堂而應微  
曰千年蓮而往矣子將何以載我乎子貢曰夫三王  
五帝之治天下不同其係聲名一也而先生獨以爲

非聖人如何哉老聃曰小子少進子何以謂不同對  
曰堯授舜舜授禹禹用力而湯用兵文王順紂而不  
敢逆武王逆紂而不肯順故曰不同老聃曰小子少  
進余語文三王五帝之治天下黃帝之治天下使民  
心一民有其親死不哭而民不非也堯之治天下使  
民心親民有爲其親殺其殺並所而民不非也舜之  
治天下使民心競民孕婦十月生子子生五月而能  
言不至乎孩而始誰則人始有夭矣禹之治天下使  
民心變人有心而兵有順殺益非殺人自爲種而天  
下耳是以天下大駭儒墨皆起莫往始有倫而今乎

婦女何言哉余語女三皇五帝之治天下名曰治之而亂莫甚焉三皇之知上悖日月之明下睽山川之精中墮四時之施其知懵於蜃虯之尾鮮規之獸莫得安其性命之情者而猶自以爲聖人不可恥乎其无恥也子貢就顙然立不安孔子謂老聃曰丘治詩書禮樂易春秋六經自以爲多矣孰知其故矣以好者七十二君論先王之道而明周召之迹一君無所鉤用甚矣夫人之難說也道之難明邪老子曰幸矣子之不遇治世之君也夫六經先王之陳迹也豈其所以迹哉今子之所言猶迹也夫迹履之所出而迹

豈復哉夫白鷁之相視眸子不運而風化蟲雄喚於上風雌應於下風而風類自爲雌雄故風化性不可易命不可變時不可止道不可壅苟得於道无自而不可失焉者无自而可孔子不遺三月復見曰丘得之矣烏鵲鴟鴞魚傳沫細要者化有弟而兄啼久矣夫丘不與化爲人不與化爲人安能化人老子曰可丘得之矣

莊子第五卷終

莊子第六卷

刻意第十五

刻意尚行離世異俗高論怨謔爲尤而已矣此山谷之士非世之人枯槁赴淵者之所好也語仁義忠信恭儉推讓爲脩而已矣此平世之士教誨之入遊居學者之所好也語大功立大名禮君臣正上下爲治而已矣此朝廷之士尊主福國之人致功并兼者之所好也就藪澤處間曠釣魚間處無爲而已矣此江海之士避世之人閒暇者之所好也吹呴呼吸吐故納新熊經鳥申爲壽而已矣此道引之士養形之人

彭祖壽考者之所好也若夫不刻意而高無仁義而  
脩无功名而治无江海而間不道引而壽无不忘也  
无不有也澹然無極而衆美從之此天地之道聖人  
之德也故曰夫恬惔寂漠虛无爲此天地之道聖人  
道德之質也故曰聖人休休焉則平易矣平易則恬  
惔矣平易恬惔則憂患不能入邪氣不能襲故其德  
全而神不虧故曰聖人之生也天行其死也物化靜  
而與陰同德動而與陽同波不爲福先不爲禍始感  
而後應迫而後動不得已而後起去知與故循天之  
理故無天災無物累無人非无鬼責其生若浮其死

不休不思慮不豫謀尤矣而不耀信矣而不期其義  
不夢其覺不憂其神純粹其意不能虛無恬惔乃合  
天德故曰悲樂者德之邪喜怒者道之過好惡者德  
之失故心不憂樂德之至也一而不變靜之至也无  
所於忤虛之至也不與物交淡之至也无所於逆粹  
之至也故曰形勞而不休則弊精用而不已則勞勞  
則竭水之性不雜則清莫動則平鬱閉而不流亦不  
能清天德之秉也故曰純粹而不雜靜一而不變淡  
而无爲動而以天行此養神之道也夫有干越之劍  
者柙而藏之不敢用也寶之至也精神四達並流无

所不極上際於天下蟠於地化育萬物不可爲衆其  
名爲同帝純素之道唯神是守守而勿失與神爲一  
之精通合于天倫野語有之曰衆人重利廉士重  
名賢士尚志聖人貴精故素也者謂其無所與雜也  
純也者謂其不虧其神也能體純素謂之真人

緒性第十六

緒性於俗俗學以求復其初滑欲於俗思以求致其  
明謂之蔽蒙之民古之治道者以恬養知生而無以  
知爲也謂之以知養恬知與恬交相養而和理出其  
性夫德和也道理也德無不容仁也道無不理義也

義明而物親忠也中純實而反乎情樂也信行容體  
而順乎文禮也禮樂偏行則天下亂矣彼正而蒙已  
德德則不冒冒則物必失其性也古之人在混芒之  
中與一世而得澹漠焉當是時也陰陽和靜鬼神不  
擾四時得節萬物不傷羣生不夭人雖有知無所用  
之此之謂至一當是時也莫之爲而常自然逮德下  
襄及燧人伏戲始爲天下是故順而不一德又下衰及  
神農黃帝始爲天下是故安而不順德又下衰及  
唐虞始爲天下興治化之流湊澆淳散朴離道以害  
險德以行然後去性而從於心心與心識知而不足

以定天下然後附之以文益之以博文減質博溺心  
然後民始惑亂无以反其性情而復其初由是觀之  
世喪道矣道喪世矣世與道交相喪也道之人何由  
興乎世世亦何由興乎道哉道无以興乎世世无以  
興乎道雖聖人不在山林之中其德隱矣隱故不自  
隱古之所謂隱士者非伏其身而弗見也非閉其言  
而不出也非藏其知而不發也時命大謬也當時命  
而大行乎天下則反一無迹不當時命而大窮乎天  
下則深根寧極而待此存身之道也古之存身者不  
以辯飾知不以知窮天下不以知窮德危然處其所而

反其性已又何爲哉道固不行德固不識小識  
傷德小行傷道故曰正已而已矣樂全之謂得志古  
之所謂得志者非軒冕之謂也謂其无以益其樂而  
已矣今之所謂得志者軒冕之謂也軒冕在身非性  
命也物之儻來寄也寄之其來不可圉其去不可止  
故不爲軒冕肆志不爲窮約趨俗其樂彼與此同故  
无憂而已矣今寄去則不樂由是觀之雖樂未嘗不  
荒也故曰喪已於物失性於俗者謂之倒置之民

秋水第十七

秋水時至百川灌河涇流之大兩涘渚崖之間不

辨牛馬於是焉河伯欣然自喜以天下之美爲盡在已順流而東行至於北海東面而視不見水端於是焉河伯始旋其面目望洋向若而歎曰野語有之曰聞道百以爲莫已若者我之謂也且夫我嘗聞少仲尼之聞而輕伯夷之義者始吾弗信今我睹子之難窮也吾非至於子之門則殆矣吾長見笑於大方之家北海若曰井鼃不可以語於海者拘於虛也夏蟲不可以語於水者篤於時也曲士不可以語於道者束於教也今爾出於崖涘觀於大海乃知爾醜爾將可與語大理矣天下之水莫大於海萬川歸之不知

何時止而不盈尾間泄之不知何時已而不虛春秋不變水旱不知此其過江河之流不可爲量數而吾未嘗以此自多者自以比形於天地而受氣於陰陽吾在於天地之間猶小石小木之在大山也方存乎見少又奚以自多計四海之在天地之間也不似礪力罪空<sub>孔音</sub>之在大澤平計中國之在海內不似稊米之在太倉平號物之數謂之萬人處一焉人卒九州穀食之所生舟車之所通人處一焉此其比萬物也不似豪末之在於馬體乎五帝之所連三王之所爭仁人之所憂任士之所勞盡此矣伯夷辭之以爲名

仲尼謠之以爲博。此其自多也。不似爾向之自多於  
永乎。河伯曰。然則吾大天地而小豪末可乎。北海若  
曰。否。夫物量無窮時。無止分無常。終始無故。是故大  
知觀於遠近。故小而不寡。大而不多。知量無窮。謐辱  
今故。故遙而不悶。掇而不跂。知時無止。察乎盈虛。故  
得而不喜。失而不憂。知分之無常也。明乎坦途。故生  
而不說。死而不禍。知終始之不可故也。計人之所知。  
不若其所不知。其生之時。不若未生之時。以其至小  
求窮其至大之域。是故迷亂而不能自得也。由此觀  
之。又何以知豪末之足以定至細之倪。又何以知天

地之足以窮至大之域。河伯曰。世之議者皆曰。至精  
無形。至大不可圍。是信情乎。北海若曰。夫自細視大  
者不盡。自大視細者不明。夫精小之微也。浮音浮又  
夫之殷也。故異便此勢之有也。夫精粗者。期於有形  
者也。無形者。數之所不能分也。不可圍者。數之所不  
能窮也。可以言論者。物之粗也。可以意致者。物之精  
也。言之所不能論。意之所不能察。致者不期精粗焉。  
是故大人之行。不出乎害人。不多仁恩。動不爲利。不  
賤門隸。貨財弗爭。不多辭讓。事焉不借。人不多僉爭。  
力不賤貪汙。行殊乎俗。不多辟異。爲在從衆。不與佞

譖世之寶祿不足以爲勸。戮恥不足以爲辱。知是非  
之不可爲分。細大之不可爲倪。聞曰。道人不聞。至德  
不得。大人<sub>無</sub>已。約分之至也。河伯曰。若物之外。若物  
之內。惡至而倪貴賤。惡至而倪小大。北海若曰。以道  
觀之。物無貴賤。以物觀之。自貴而相賤。以俗觀之。貴  
賤不在已。以差觀之。因其所大而大之。則萬物莫不  
大。因其所小而小之。則萬物莫不小。知天地之爲祿。  
米也。知豪末之爲丘。山也。則差數覩矣。以功觀之。因  
其所有而有之。則萬物莫不有。因其所無而無之。則  
萬物莫不無。知東西之相反。而不可以相無。則功分。

定矣。以趣觀之。因其所然。而然之。則萬物莫不然。因  
其所非。而非之。則萬物莫不非。知堯桀之自然。而相  
非。則趣操覩矣。昔者堯舜讓而帝。之噲讓而絕。湯武  
爭而玉白公爭而滅。由此觀之。爭讓之禮。堯桀之行  
貴賤。有時。未可以爲常也。梁麗可以衝城。而不可以  
窒穴。言殊器也。騏驥驛驘。一日而馳千里。捕鼠不如  
狸。往言殊技也。鳩鵠夜撮蚤。察豪末。晝出瞋目。而不  
見丘山。言殊性也。故曰。蓋師是而無非。師治而無亂。  
乎。是未明天地之理。萬物之情者也。是猶師天而無  
地。師陰而無陽。其不可行明矣。然且語而不善。非愚

則誣也。帝王殊禪，三代殊繼。差其時，逆其俗者，謂之  
篡夫。當其時，順其俗者，謂之義之徒。默默乎河伯，安  
惡知貴賤之門。小小之家，河伯曰：然則我何爲乎？何  
不爲乎？吾辭受趣舍，吾終柰何？北海若曰：以道觀之，  
何貴何賤？是謂反衍，無拘而志。與道大蹇，何少何多。  
是謂謝施，無一而行。與道參差，嚴乎若國之有君。其若  
無私德，繇繇乎若祭之有社。其無私福，泛泛乎若其若  
四方之無窮。其無所畛域，兼懷萬物。其孰承翼，是謂  
無方。萬物一齊，孰短孰長。道無終始，物有死生，不恃  
其成。一虛一滿，不位乎其形。年不可舉，時不可止。消

息盈虛，終則有始。是所以語大義之方，論萬物之理  
也。物之生也，若驟。若馳，無動而不變，無時而不移。何  
爲乎？何不爲乎？夫固將自化。河伯曰：然則何貴於道  
邪？北海若曰：知道者必達於理，達於理者必明於權。  
明於權者，不以物害已。至德者，火弗能熱，水弗能溺，  
寒暑弗能害，禽獸弗能賊。非謂其薄之也。言察乎安  
危，寧於禍福，謹於去就，莫之能害也。故曰：天在內，人  
在外。德在乎天，知天人之行，本乎天，位乎德。蹢躅而  
屈伸，反要而語極。曰：何謂天？何謂人？北海若曰：牛馬  
四足，是謂天。落馬首，穿牛鼻，是謂人。故曰：無以人滅

天無以故滅命無以得殉名謹守而勿失是謂及其  
真夔憐弦賢蛇憐風風憐目目憐心夔謂蛇  
曰吾以一足跨<sub>禹</sub>踔<sub>禹</sub>而行予無如矣今子之  
使萬足獨柰何蛇曰不然子不見夫唾者乎噴則大  
者如珠小者如霧雜而下者不可勝數也今予動吾  
天機而不知其所以然蛇謂蛇曰吾以衆足行而不  
及子之無足何也蛇曰夫天機之所動何可易邪吾  
安用足哉蛇謂風曰予動吾脊脅而行則有似也今  
予蓬蓬然起於北海蓬蓬然入於南海而似<sub>无</sub>有何  
也風曰然予蓬蓬然起於北海而入於南海也然而

指我則勝我燭我亦勝我雖然夫折大木蜚大屋者  
唯我能也故以衆小不勝爲大勝也爲大勝者唯聖  
人能之孔子遊於匡宋人圍之數匝而弦歌不輟子  
路入見曰何夫子之娛也孔子曰來吾語女我諱窮  
久矣而不免命也求通久矣而不得時也當堯舜而  
天下无窮人非知得也當桀紂而天下无通人非知  
失也時勢適然夫水行不避蛟龍者漁父之勇也陸  
行不避兕虎者猛夫之勇也白刃交於前視死若生  
者烈士之勇也知窮之有命知通之有時臨大難而  
不懼者聖人之勇也由處矣吾命有所制矣无幾何

將甲者進辭曰以爲陽虎也故圍之今非也請辭而退公孫龍問於魏牟曰龍少學先王之道長而明仁義之行合同異離堅白自然不然可不可困百家之知窮衆口之辯吾自以爲至達已今吾聞莊子之言尤焉異之不知論之不及與知之弗若與今吾无所開吾喙敢問其方公子牟隱机大息仰天而笑曰子獨不聞天培暗井之蠹乎謂東海之鰲曰吾樂與吾跳梁乎井幹之上入休乎缺甃之崖赴水則接拔持顧蹶泥則沒足滅跗還虷音蟹與科斗莫吾能若也且夫擅一壑之水而跨跱暗井之樂此亦至矣夫子奚

不時來入觀乎東海之濱左足未入而右膝已繫矣於是逡巡而却告之海曰夫千里之遠不足以舉其大千仞之高不足以極其深禹之時十年九潦而水弗爲加溢湯之時八年七旱而崖不爲加損夫不爲頃久推移不以多少進退者此亦東海之大樂也於是培井之蠹聞之適適然驚規規然自失也且夫知不知是非之竟而猶欲觀於莊子之言是猶使蚕負山商鉅馳河也必不勝任矣且夫知不知論極妙之言而自適一時之利者是非培井之蠹與且彼方跐黃泉而登大皇无南无北喪然四解淪於不測无東

无西始於玄冥反於大通子乃規規然而求之以察  
索之以辯是直用管闥天用錐指地也不亦小乎子  
徃矣且子獨不聞夫壽陵餘子之學行於邯鄲與未  
得國能又失其故行矣直匍匐而歸耳今子不去將  
忘子之故失子之業公孫龍口咷矩而不合舌舉  
而不下乃○走莊子釣於濮水楚王使大夫二人  
往先焉曰願以堯內累矣莊子持竿不顧曰吾聞楚  
有神龜死已三千歲矣王巾笥而藏之廟堂之上此  
龜者寧其死爲留骨而貴乎寧其生而曳尾於塗中  
乎二大夫曰寧生而曳尾塗中莊子曰徃矣吾將曳

尾於塗中惠子相梁莊子徃見之或謂惠子曰莊子  
來欲代子相於是惠子恐搜於國中三日三夜莊子  
徃見之曰南方有鳥其名鵠鵠子知之乎夫鵠鵠發  
於南海而飛於北海非梧桐不止非練實不食非醴  
泉不飲於是鷗得腐鼠鶴鵠過之仰而視之曰歎今  
子欲以子之梁國而歛我邪莊子與惠子遊於濠梁  
之上莊子曰儻魚出游從容是魚樂也惠子曰子非  
魚安知魚之樂莊子曰子非我安知我不知魚之樂  
惠子曰我非子固不知子矣子固非魚也子之不知  
魚之樂全矣莊子曰請脩其本子曰女安知魚樂云

者既已知吾知之而問我我知之濠上也

至樂第十八

天下有至樂無有哉有可以活身者無有哉今奚爲奚據奚避奚處奚就奚去奚樂奚惡夫天下之所尊者富貴壽善也所樂者身安厚味美服好色音聲也所下者貧賤夭惡也所苦者身不得安逸口不得厚味形不得美眼目不得好色耳不得音聲若不得者則大憂以懼其爲形也亦愚哉夫富者苦身疾作多積財而不得盡用其爲形也亦外矣夫貴者夜以繼日思慮善否其爲多也亦流矣人之生也與憂俱生

壽者惛惛久憂不死何之苦也其爲形也亦遠矣列士爲天下見善矣未足以活身吾未知善之誠善邪誠不善邪若以爲善矣不足活身以爲不善矣足以活人故曰忠諫不聽蹲循勿爭故夫子胥爭之以殘其形不爭名亦不成誠有善無有哉今俗之所爲與其所樂吾又未知樂之果樂邪果不樂邪吾觀夫俗之所樂舉羣趣者誼誼<sub>反</sub>挺然如將不得已而皆曰樂者吾未之樂也亦未之不樂也果有樂無有哉吾以無爲誠樂矣又俗之所大苦也故曰至樂無樂至譽無譽天下是非果不可定也雖然无爲可以定是

非至樂活身唯無爲幾存請嘗試言之天无爲以之  
清地无爲以之寧故兩无爲相合萬物皆化若乎芳  
鬱乎而無從出乎芬乎芒乎而无有象乎萬物職職  
皆從无爲殖故曰天地无爲也而无不爲也人也孰  
能得无爲哉莊子妻死惠子弔之莊子則方箕踞鼓  
盆而歌惠子曰與人居長子老身死不哭亦足矣又  
鼓盆而歌不亦甚乎莊子曰不然其始死也我獨  
何能無緊然察其始而未無生非徒無生也而本無  
形非徒無形也而本無氣雜乎芒芳之間變而有氣  
氣變而有形形變而有生今又變而之死是相與全

春秋冬夏四時行也人且偃然寢於巨室而我歟嘵  
古弔然隨而哭之自以爲不通乎命故止也支離叔  
與滑介叔觀於冥伯之丘岷崕之虛黃帝之所休俄  
而柳生其左肘其意蹙蹙然惡之支離叔曰子惡之  
乎滑介叔曰亡乎何惡生者假借也假之而生生者  
乎塵垢也死生爲晝夜且吾與子觀化而化及我我又  
何惡焉莊子之楚見空髑髏(音髑髏體<sup>音</sup>髑髅)嗟然有形撝  
以馬撞因而問之曰夫子食牛失理而爲此乎將子  
有亡國之事斧鉞之誅而爲此乎將子有不善之行  
愧遺父母妻子之醜而爲此乎將子有凍餒之患而

爲此乎。將子之春秋故及此乎。於是語卒援髑髏枕而卧。夜半髑髏見夢曰。子之談者似辯士。諸子所言皆生人之累也。死則無此矣。子欲聞死之說乎。莊子曰。然。髑髏曰。死無君於上。無臣於下。亦無四時之事。從然以天地爲春秋。雖南面王樂不能過也。莊子不信。曰。吾使司命復生子形。爲子骨肉肌膚。反子父母妻子。間是知識。子欲之乎。髑髏深曠蹙頰曰。吾安能弃南面王樂而復爲人間之勞乎。顏淵東之齊。孔子有憂色。子貢下席而問曰。小子敢問回東之齊。夫子有憂色何邪。孔子曰。善哉。女問昔者管子有言。丘甚

善之。曰。褚小者不可以懷。大綆短者不可以汲。深者若是者以爲命有所成。而形有所適也。夫不可損益。吾恐回與齊侯言堯舜黃帝之道。而重以燧人神農之言。彼將內求於已。而不得不則惑。人惑則死。且女智不聞邪。昔者海鳥止於魯郊。魯侯御而觴之。于廟奏九韶。以爲樂具太牢。以爲膳。鳥乃恠視憂悲。不敢食一齧理轉。不敢飲一杯。三日而死。此以已養養鳥也。非以鳥養養鳥也。夫以鳥養養鳥者。宜栖之深林。遊之壇陸。浮之江湖。食之鱠鰐。隨行列而止委蛇。而處彼唯人言之惡聞奚以夫謗謗爲乎。咸池九韶。

之樂張之洞庭之野鳥聞之而飛獸聞之而走魚聞之而下入人卒聞之相與還而觀之魚處水而生人處水而死彼必相與異其好惡故異也故先聖不一其能不同其事名止於實義設於適是之謂條達而福持列子行食於道從見百歲髑髏撻蓬而指之曰唯予與汝知而未嘗死未嘗生也若果養乎予果歡乎種有幾得水則爲蜃得水土之際則爲鼈蟄之衣生於陵屯則爲陵鳥陵鳥得鬱棲則爲鳥足烏足之根爲螭螬其葉爲蝴蝶蝴蝶胥也化而爲蟲生於龜下其狀若脫其名爲鷁掇鷁掇千日爲鳥其名爲乾人又反入於機萬物皆出於機皆入於機

筋骨乾筋骨之沫爲斯彌斯彌爲食醯順幣生乎食醯黃軌音况生乎九猷督芮生乎腐雄音權一羊奚比乎不筭息尹反久竹生青寧青寧生程程生馬馬生人

